

四庫全書

經部

欽定四庫全書

春秋左傳補註卷五

元和惠棟撰

昭四年傳冀之北土馬之所生 盧毓冀州論曰冀州

北接燕代

初學記

後世謂代為馬郡故呂覽曰馬郡宜

馬

以亨神人注亨通也 亨古文享字杜訓為通故古文

獨存新序載此事作享

冬無愆陽

周書時訓曰草木不黃落是為愆陽

秋無苦雨

服虔曰害物之雨民所苦

夏啟有鈞臺之享

汲郡古文曰夏啟元年帝即位于

夏邑大饗諸侯于鈞臺歸藏啟筮曰昔夏后啟筮亨

神于大陵而上鈞臺枚占皋陶曰不吉連山易曰啟

筮亨神于大陵之上鄒元曰即鈞臺也魏大饗碑云

夏啟均臺之亨均古鈞字亨古享字

商湯有景毫之命

汲郡古文云帝癸二十八年昆吾

氏伐商商會諸侯于景亳遂征韋商師取韋遂征顧
成有岐陽之蒐 汲郡古文曰成王六年大蒐于岐陽
晉語云昔成王盟諸侯于岐陽楚為荆蠻置茅絕設
望表與鮮牟守燎故不與盟

康有鄴宮之朝 汲郡古文曰康王元年朝于豐宮服
虔曰鄴宮成王廟所在也

穆有塗山之會 汲郡古文曰穆王三十九年會諸侯
于塗山

寡君將墮幣焉

服虔曰墮輸也子惠子曰墮幣謂祭

也周禮肆師大祀用玉帛又守祧歲墮大祝墮釁小

祝贊墮特牲少牢又有墮祭然則禮神之幣亦曰墮

謂祭後乃相見故曰敢謝後見如服杜解則與上文

宗祧之事不相連屬而文亦不順蓋楚之武城有先

君之廟也服虔云將受宋之幣于宗廟謂薦陳之亦可

備一說

夏桀為仍之會有緡叛之

汲郡古文曰帝癸十一年

會諸侯于仍有緡氏逃歸遂滅有緡

商紂為黎之蒐東夷叛之 汲郡古文曰帝辛四年大蒐于黎韓非子曰紂為黎丘之蒐而戎狄叛之服虔曰黎為子姓

周幽為大室之盟戎狄叛之 汲郡古文曰幽王十年春王及諸侯盟于大室明年申人繒人及犬戎入宗周弑王

無或如齊慶封弑其君弱其孤以盟其大夫 呂氏春

秋載此事曰母或如齊慶封弑其君弱其孤以亡其大夫弱其孤謂弑崔成崔彊亡其大夫謂崔杼強而死哀六年傳云不必亡一大夫左氏傳世既久或先秦以來所據本異當以呂覽為正

鄭子產作丘賦 服虔曰作丘賦者賦此一丘之田出一馬三牛復古法耳丘賦之法不行久矣今子產復脩古法民以為貪故謗之子惠子曰春秋作丘賦當久服說作丘甲當久穀梁說

下引詩禮義不愆何恤于人言若依杜注加賦

病民何不愆之
有服注是也

詩曰禮義不愆何恤于人言 荀卿子載是詩云長夜
漫兮永思騫兮大古之不慢兮禮義之不愆兮何恤
人之言兮愆當作讐久籀文見余足疏

作法于涼注涼薄也 說文曰余足寇薄也从无京聲
廣雅曰寇禱也曹憲曰良音世人作寇禱之寇水旁
著京失之矣禱即薄字郭忠恕汗簡云古尔足涼作
寇

姬在列者注在列國案列位也言姬姓之君僖十五
年傳云入而未定列

八棘櫟麻鄆元曰汝水東逕櫟亭北春秋之棘櫟也
今城在蔡故城西北半淪水杜預以為在東北未
詳司馬貞曰解者以麻即襄城縣故麻城是也

曰唯皇侃禮記義疏曰唯謂人應爾是也

饗大夫以落之服虔曰饗以緞豕為落

牛謂叔孫見仲而何正義曰牛謂叔孫曰以仲見君

何問何故以仲見君其說非是案韓非子載此事云
豎牛謂叔孫何不見壬于君乎叔孫曰孺子何足見
也豎牛曰壬固已數見于君矣君賜之玉環已佩之
矣玩傳義與韓非合

夫子疾病不欲見人 秦越人難經五十一難曰病有
欲見人者有不欲見人者欲見人者病在府也不欲
見人者病在藏也府者陽也陽病者欲得寒之又欲
見人藏者陰也陰病欲得溫又欲閉戶獨處惡聞人

聲

牛弗進則置虛命徹 張衡集舊注引傳云牛不進叔
孫覆器空而選之示君已食益增益傳文而為之或
本左氏舊說意亦與杜注同也

五年傳毀中軍于施氏成諸臧氏 棟案臧氏為司寇
古者兵獄同制故質成于臧氏

葬鮮者自西門 列子曰越東有輒木之國其長子生
則鮮而食之張湛注引此為證云鮮謂鮮少也

卿喪自朝注從生存朝觀之正路 服虔云言卿葬三
辭于朝從朝出正門卿佐國之楨幹君之股肱必過
于朝重之也案杜臆說當从服氏

既葬而行注善杜洩能辟禍 唐宰相世系曰杜洩避
季子之難奔于楚生大夫綽綽生段段生赫赫為秦
大將軍食采于南陽衍世稱為杜衍

使亂大從注使從于亂 服虔曰使亂大和順之道案
從順也服注是

故有十時亦當十位 古言時皆謂四時此十時謂分

一日為十時以當王至臺之十位杜注用十二時與

傳不合

十時據日十
二時據辰

明而未融 服虔曰融高也謂日高也

純離為牛 荀九家序卦曰離為牡牛

菟氏 酈元曰野兔水上承兔氏亭北野兔陂鄭地也

陂水東北入八里溝溝水南逕右倉城西又南逕兔

氏亭東鄭伯勞屈生于兔氏即此

子家羈注羈莊公玄孫懿伯也 司馬貞曰子家駒魯

大夫仲孫氏之族字懿伯楊倞曰子家羈公子慶之
孫歸父之後名羈字駒案仲孫氏出自桓且懿伯為

子家諡非字也司馬失之世本云述產子家歸父

述與

遂古楊氏謂羈為歸父之後則是桓公玄孫非莊公

字通

也世本已亡無可是正

索氏 索音柵故水經或作柵

朝聘有珪 案說文珪古文圭

羊舌四族注四族銅鞮伯華叔魚叔虎兄弟四人 案

世本叔向兄弟有季夙故服氏數伯華叔向叔魚季
夙正義以季夙即叔虎非也叔季兄弟之次且叔虎
已死不得與四族之數劉氏以為別有季夙而規杜
氏其言是也宰相世系曰羊舌職五子赤肸鮒虎季
夙赤字伯華肸字叔向鮒字叔魚虎字叔罷號羊舌
四族

揚肸 漢名臣奏載張衡說云晉大夫食采于揚為揚

氏食我有罪而揚氏滅揚字从手不从木宰相世系
曰晉公族食邑于羊舌凡三縣一曰銅鞮二曰揚氏
三曰平陽

六年傳昔先王議事以制不為刑辟 李奇曰先議其

犯事議定然後乃斷其罪不為一成之刑著于鼎也

聳之以行 漢書引此傳作懞晉灼曰古悚字 裴光遠

集韻亦

以懞為悚
見汗簡

案十九年傳云駟氏聳說文引作懞云懞

也从心雙省聲

說文耳部云生而聳曰聳
从耳從省聲不得為懞

因驗左氏

古文為後人竄易者多矣

商有亂政而作湯刑 汲郡古文曰祖甲二十四年重
作湯刑外傳云元王勤商十有四世帝甲亂之七世
而隕祖甲賢君事見尚書止以改作湯刑故云亂之
呂氏春秋孝行覽云商書曰刑三百罪莫大于不孝
高誘曰商湯所制法也荀子正名篇云刑名從商康
誥云殷罰有倫蓋自祖甲以後刑始頗矣

周有亂政而作九刑注周之衰亦謂之刑書謂之九刑

案九刑者刑書有九篇成王時所造

見周書

周衰重

作之定為成科亦若祖甲之作湯刑也

火未出而作火以鑄刑器藏爭辟焉火如

漢書作而

象之不

火何為 古春秋左氏說曰火星出于周五月而鄭

以三月作火鑄鼎刻刑辟書以為民約是為刑器爭

辟故火星出于五行之火爭明為災其象然也服氏

解誼从其說棟案漢書五行志許叔重五經異義所

載左氏說及古春秋左氏說皆前漢諸儒傳左氏者

之言唐人正義以為賈逵非也顧君補正亦采五行志數條而不言左氏說沒其義矣

寡君以為驩也 左氏懽字皆作驩此古文之異者高誘戰國策注云懽猶合也

見于左師 子惠子曰向戌與寺人比而害太子華亥與寺人比而逐右師戌亥黨寺人則同而戌之罪浮于亥也戌不思前事而責亥此目睫之論耳其後元公并逐華向有以哉

以其棄

鄭氏引作良

馬八匹私面

鄭康成曰面亦見也其

謂之面威儀質也又云私面私覲也

主不恩賓

鄭康成曰恩猶辱也杜訓為患从小尔足

七年傳天子經畧

劉逵曰天子經畧土地定城國制

諸侯略分畧也一曰遠界為經畧也

願與諸侯落之

庾蔚之禮記略解曰落謂與賓客燕

會以酒食澆落之

日月以冀

案索隱冀亦作幾讀曰冀

使長鬣者相注鬣須也 說文引作儼云長壯儼儼也

子惠子曰杜訓鬣為須亦臆說

正義汲冢書瑣語 案御覽備引汲冢瑣語乃共工事
非鯨也

張叔皮論 張姓叔名叔曾作反論引見御覽作皮誤
也

傳余敢忘高圉亞圉注二圉周之先也為殷諸侯亦受
殷王追命者正義曰二圉之受殷命無文也 子惠

子曰二圉受命見竹書紀年棟案杜氏此注蓋本汲
郡古文外傳云高圉大王能帥稷者也周人報焉故
服虔注此傳云周人不毀其廟報祭之馬融曰周人
所報而不立廟杜氏以經傳無報亞圉之文故異說
孟僖子病不能禮今本禮上有相字
下云苟能禮者從之則相字衍
蓋襲上文相儀之誤當从釋文

聖人有明德者若不當世王肅曰武仲謂弗父何殷
湯之後而不繼世為宋君

或憔悴事國

漢書引此傳作盡顏與詩同如淳曰顏

古悴字

何謂六物對曰歲時日月星辰是謂也服虔曰歲星

之神左行于地十二歲而一周時四時也日十日也

月十二月也星二十八宿也辰十二辰也是為六物

八年傳或馮焉子惠子曰漢書引云神或馮焉案注

當有神字

莫保其性宋淳化元年本保作信案漢書五行志引

此傳亦作信顏籀曰信猶保也戰國策甘茂曰以曾子之賢與母之信也而三人疑之則慈母不能信也高誘曰信猶保也

商衛 子惠子曰宋衛稱商衛踊為定公諱也昭公事當紀于定公時也

寘德于遂 世本曰陳舜後宋忠曰虞思之後箕伯直柄中衰殷湯封遂于陳以祀舜

自幕至于瞽瞍無違命 賈逵曰幕舜後虞思也至于

替暖無聞違天命以廢絕鄭衆曰幕舜之先也裴駟
從賈侍中說杜用先鄭說

九年傳以夷濮西田益之 京相璠曰以夷之濮西田
益也

暴蔑宗周 唐石經及宋本皆如此俗本蔑作滅非
辰在子卯謂之疾日 賈逵曰桀以乙卯亡紂以甲子
喪惡以為戒張晏曰云夏殷以亡不推湯武以興此
說非也翼奉曰北方好行貪狼申子主之東方怒行

陰賊亥卯主之貪狼必待陰賊而後動陰賊必待貪
狼而後用二陰竝行是以王者忌子卯也禮經避之
春秋諱焉孟康曰北方水水生于申盛于子東方木
木生于亥盛于卯李奇曰北方卯也卯又陰賊故為
二陰王者忌之不舉樂翼奉又言師法用辰不用日
甲乙為日子卯為辰故云辰在子卯

孟僖子如齊殷聘 大行人職云凡諸侯之邦交歲相
問也殷相聘也鄭氏注云小問曰問殷中也久無事

又于殷朝者及而相聘也先鄭引此傳以證之服虔云殷中也自襄二十年叔老聘于齊至今積二十年故中復脩盛聘之禮

十年傳邑姜晉之妣也李厚菴曰邳應韓皆無國矣武之穆惟晉存故曰邑姜晉之妣也然不自齊者以出于嫠女故推本邑姜

齊惠樂高氏棟案惠公子樂堅高祈後皆為氏故云

樂高詳襄廿七年注

正義作子樂子高蓋樂高字堅祈名也

彊于陳鮑氏 尔足曰彊當也言其族盛與陳鮑相當

值

請斷三尺焉而用之 服虔曰斷三尺使至于較

孤斬焉在衰經之中注既葬未卒哭故猶服斬衰 家

君曰預既葬除喪之說至此乃窮故復作遁辭下云

喪禮未畢如預說則卒哭而喪禮遂畢乎葬與卒哭

為時無幾諸大夫何不少待

十一年經厥慙釋文云慙魚斬反徐五巾反 棟案公

羊作屈銀是愁讀為銀徐音是也說文云愁从心𣦵
聲又犬部云𣦵从犬來聲讀又若銀是古音皆以愁
為銀

傳擇子莫若父擇臣莫若君 管子大匡云鮑叔曰先
人有曰知子莫若父知臣莫若君

五大不在邊五細不在庭 此當用賈逵鄭衆之注

鄭京櫟實殺曼伯注厲公得櫟又并京 案楚語范無
宇曰叔段以京患嚴公鄭幾不封櫟人實使鄭子不

得其位明京屬叔段櫟屬厲公左氏約舊史而為傳
取其文勢之便兼舉京櫟而單舉曼伯此傳之漏義
得櫟并京既無明文何必遷就而曲為之說也

十二年傳司墓之室有當道者 家君云周官墓大夫
帥其屬而巡墓居其中之室以守之故云司墓之室
有當道者

請免喪而後聽命 此與下六月葬鄭簡公杜二注繆
戾皆當刪之李厚菴曰未葬而朝晉有是理乎李以

傳為未可信棟謂非傳之誤乃杜以免喪之語而移其傳之次也

六月葬鄭簡公

杜注云經書五月誤此謬耳古文左

傳當在齊侯衛侯鄭伯如晉之前鄭伯欲如晉故速葬而往杜預欲附會短喪之說而移其次于後耳亂

左氏者非預而誰

供養三德為善

董遇注本為共養解云盡其所以養

成三德棟謂古供字作共董季直本是也訓為盡共

恐未然三德謂黃裳元也注亦誤

且可飾乎 漢儒言易以黃裳元吉為坤五降乾二乾
二升坤五故曰且可飾乎

司馬絜 唐石經作督釋文音篤云本亦作絜棟案督
與絜通說文云絜背縫莊子養生云緣督以為經亦
謂背縫也方言云繞緇謂之襦掩郭氏云衣督脊也

王孫牟注衛康叔子康伯 世本云衛康伯名髡宋忠
曰即王孫牟也事周康王為大夫司馬貞曰牟髡聲

相近故不同耳譙周古史考無康伯而云子牟伯立
蓋以不宜父子俱諡康故因其名曰牟伯也棟案馬
融王肅尚書傳皆云康國名在千里之幾內既滅管
叔更封為衛侯其子始以康為諡索隱之說未盡然
鍼秘 高誘曰鍼音七

摩厲以須 說文曰摩研也从手麻聲

祇宮 子惠子曰祇宮在南鄭見竹書

祈招之悃悃 韓詩章句曰悃悃和悅兒李登聲類曰

惛惛和靜兜

形民之力 家語作刑案古刑字皆作形王肅曰形以

刑傷民力

十三年傳將欲入鄩 服虔曰鄩別都

卜尹 服虔曰卜尹卜師大夫官

康王跨之 服虔曰兩足各跨壁一邊

再拜皆厭紐 王充曰後共王死招為康王

傳作昭

至子

失之圍為靈王

當作圓

及身而殺子干為王

當作干

十有

餘日子暫不立又懼誅死皆絕無後棄疾立竟續楚
祀如其神符

城外屬焉 史記云方城外屬焉故杜注云城方城也

苛慝不作釋文云苛音何本或作荷 棟案古苛字本

作荷檀弓曰泰山婦人曰無苛政釋文曰苛本亦作

荷毛詩序云哀形政之荷今本作苛漢書酈食其傳

云好荷禮師古曰荷與苛同漢張表碑亦以荷為苛

齊桓晉文不亦是乎 服虔曰皆庶子而出奔

鄭伯男也

董仲舒春秋繁露云周爵五等春秋三等

合伯子男為一爵故云伯男外傳作伯南古南男字通
公羊桓十一年鄭忽出奔衛傳云忽何以名春秋伯子男一也辭無所貶何休云春秋改周之文從殷之質合伯子男為一

子服湫從湫徐邈音椒 案湫本與椒同音說文湫从水秋聲荀卿子引詩曰鳳凰秋秋其翼若干其聲若簫秋與簫協韻明秋亦作椒音惠伯名椒獨此作湫

者聲之誤也晉以來唯徐仙民識古諸儒皆不及也

文九年經楚子使耕來聘穀梁耕作穀五經文字云穀子遙反見穀梁及春秋左氏傳史記伍子胥列傳云夫差二年敗越于夫湫注云湫音椒今傳作椒古今人表有楚湫舉師古云即耕舉周語亦作湫舉

及中人注中山望都縣西北有中人城杜此注本京

相璠春秋土地名酈元謂望都城東有一城名堯始城本無中山之傳璠或以為中人未詳張華博物志曰中山在唐縣西四十里

十四年傳司徒老初慮癸當用服虔注

然丹簡上國之兵 鄭康成曰簡謂比數之

收介特注介特單身民也 馬融廣成頌察淫侈之華

譽顧介特之實功注介特謂孤介特立也杜氏以為

單身民非馬義也

蔽罪刑侯 先鄭引曰弊獄邢侯

鮒也驚獄 周書鄴保曰十敗六曰佞說驚獄韋昭曰

驚賣也

乃施邢侯 服虔曰施罪于邢侯施猶劾也邢侯亡故

劾之韋昭曰施捕也周禮卿士云辨其獄訟異其死刑之罪而要之鄭氏云要之為其罪法之要辭如今劾矣晉語云秦人殺冀芮而施之韋昭云陳尸曰施愚謂施陳也謂殺而陳其罪哀廿七年傳云周人施公孫有山氏是羅泌曰施者殺而肆之也內則施羊亦如之施麋施鹿施麋皆如牛羊秦施冀芮晉施邢侯與叔魚于市山海經殺而施之晉語入從欒氏者大戮施莊子云長弘施史施陳餘蓋同也開元五經

文字作弛云廢亦非

十五年傳吾見赤黑之祲非祭祥也喪氣也 祲說文

引作祲云精氣感祥从示侵省聲王逸楚辭章句云
祲惡氣貌韋昭曰氛祲氣象也凶曰氛吉日祥

叔氏 顏籀曰叔父之使故謂之叔氏

闕鞏之甲

說文引作砮从石珣聲

定四年傳封唐叔以闕砮同

及辛有之二子董之晉 晉語曰秦伯納公子董因迎

于河韋昭曰因晉大夫周太史辛有之後也引此傳

為證

王一歲而有三年之喪二焉 子惠子曰喪妻三年春秋之末造也事見墨子棟案墨子公孟篇云子墨子謂公孟子曰喪禮君與父母妻後子死三年喪服伯父叔父兄弟期族人五月姑姊舅甥皆有數月之喪後子為後之子猶太子也又非儒篇云儒者曰親親有術尊賢有等言親疎尊卑之異也其禮曰喪父母三年妻後子三年伯父叔父弟兄庶子其戚族人五

月若以親疎為歲月之數則親者多而疎者少矣是妻後子與父同也若以尊卑為歲月數則是尊其妻子與父母同而親伯父宗兄而卑子也逆孰大焉墨子所據喪禮與傳合與喪服傳異喪服傳云父必三年然後娶達子之志也又云為妻何以期也妻至親也必三年然後娶不得為三年喪服也且天子絕期安得引以為證公孟子即公明儀

三年之喪雖貴遂服注天子諸侯除喪當在卒哭今王

既葬而除故讖其不遂 雖貴遂服指后世子之喪
若父母之喪無貴賤一也安得為此抑揚之語乎預
邪說亂經孔氏扶非皆不足取

十六年傳幾為之笑而不陵我 當用服注

刑之頗類 服虔曰類讀為類頗偏也類不平也

宣子有環其一在鄭商注玉環同工共樸自共為雙

淮南子曰元王同工高誘曰二玉為一工故云同工

昭公三十二年傳云賜子家雙琥倉頡篇云雙玉為

珏是共樸也

不亦銳乎注銳細小也正義曰說文云銳芒也鋒芒尖
故為細小言得利小也服虔云銳拆也銳是鋒芒不
得為拆自說文云至銳拆也二十四字今本脫去
宋本有之故備錄焉

執政弗義 高誘戰國策注云弗義不以為義也

庸次比耦 庸傭也廣雅次比代也言代為傭代為耕
也

習實為常

周書曰習實為常

關

美惡一也

十七年傳唯正月朔至庶人走

古文左傳說曰正月

謂周六月夏四月正陽純乾之月也慝謂陰爻也冬

至陽爻起初故曰復至建巳之月為純乾亡陰爻而

陰侵陽為災重故伐鼓用幣責陰之禮降物素服也

不舉去樂也移時避正堂須時移災復也嗇夫掌幣

吏庶人其徒役也

少皞氏鳥名官何故也

子惠子曰周書嘗麥曰乃命

少皞清司馬鳥師以正五帝之官昭子見周志有是
言而未之詳也故問之棟案史記言黃帝二子其一
曰元囂是為青陽降居江水張衡集條上司馬遷所
叙與典籍不合者十餘事其一事曰帝系黃帝產青
陽昌意周書曰乃命少皞清清即青陽也今宜實定
之故世本及春秋緯皆言青陽即是少皞黃帝之子
代黃帝而有天下號曰金天氏史記言青陽降居江
水不為帝故張平子正之汲郡古文云或曰少皞名

清不居帝位帥鳥師居西方以鳥紀官蓋本周書之
說律歷志引考德曰少昊曰清清者黃帝之子清陽

也

考德者考五德之書也

九扈 說文作雇或作鷄籀文作𪔐

請有事于雒與三塗 高誘曰三塗之山陸渾之南故
假道于周

萇弘 淮南子曰萇弘周室之執數者也天地之氣日
月之行風雨之變律歷之數無所不通

天事恒象 先鄭司農曰象謂災變雲物如衆赤鳥之屬有所象似易曰天垂象見吉凶

夏數得天 周書周月曰萬物春生夏長秋收冬藏天地之正四時之極不易之道夏數得天百王所同商周改正以垂三統至于敬授民時巡守祭享猶自夏焉故易乾鑿度曰三王之郊一用夏正

若火作其四國當之 唐石經此下又云六物之占御覽八百七十五卷所引有此四字蓋據賈服本如此

案石經四字旁增當是晁公武據蜀石經增入晁曾以蜀石經校唐石經碑中所增疑皆出晁氏之手學者詳焉蓋蜀時或服虔左氏猶存也

水火之牡也其以丙子若壬午作乎水火所以合也

子惠子曰水為夫火為妻夫從妻所好故以合日為災

十八年傳毛得以濟侈于王都 薛綜曰濟謂度也度于奢侈謂僭也

是謂融風火之始也注東北曰融風 淮南子隆形曰

東北曰炎風高誘曰良氣所生也一曰融風張晏曰
融風立春木風也火之母也火所始生也

七日其火作乎 張晏曰火以七為紀

使司寇出新客禁舊客勿出于宮 高誘曰有新客接
出之為觀釁也禁舊客為露情也

屏攝 韋昭曰周氏云屏者并攝主人之位昭謂屏屏
風也攝形如要扇皆所以分別尊卑為祭祀之位近
漢亦然先鄭司農曰攝束茅以為屏祭神之處草易

然故巡行之案周氏者漢儒說春秋者周仲文也

祈于四鄰 案鄰水庸也

十九年傳許悼公瘡 服虔曰悼公靈公之子許男買瘡寒疾也

書曰弑其君 服虔曰禮醫不三世不使君有疾飲藥臣先嘗之親有疾飲藥子先嘗之公疾未瘳而止進藥雖嘗而不由醫而卒故國史書弑告于諸侯

若大城城父而寘太子焉以通北方王收南方 高誘

曰城父楚北境之邑今屬沛國北方宋鄭魯衛也南方謂吳越也

駟氏聳說文引作𢇛云懼也廣韻引作𢇛詳六年注
諺曰無過亂門 呂覽引詩云無過亂門所以遠之也
高誘曰逸詩

沈尹戌注莊王曾孫葉公諸梁父也 王符潛夫論曰
左司馬戌者莊王之曾孫也葉公諸梁者戌之第三
弟也高誘呂覽注曰沈尹戌莊王之孫沈諸梁葉公

子高之父也三說不同

廿年傳自以為猶宋鄭也 高誘呂覽注曰猶如也

其事集矣 高誘曰集合也

棠君尚 風俗通作堂云堂楚邑大夫伍尚為之其後

氏焉

廣韻

案堂與棠古字通見魯峻碑

賓將振 杜子春引作趣讀為造次之造謂擊鼓夜戒

守也又云趣與造音相近

造與遭同故云與趣音相近

故曰終夕

與燎賈公彥曰賈服讀字與子春異棟案子春受學

于劉歆歆傳左氏春秋以趣為擷史記亦以趣為

擷賈服後于劉杜唐人咸所尊尚故不從其說

終夕與于燎 於字衍當从釋文刪古本無於字杜子

春注可據

若琴瑟之專壹 董遇本作搏司馬貞曰搏古專字管

子

內業篇

史記

樂書

皆以搏為專

蒲姑氏 亦作薄姑古文通閼駟曰周成王時薄姑與

四國作亂周公滅之以封太公陸澄地理書曰呂尚

封于齊郡薄姑故城在臨菑縣西北五十里近濟水
取人于萑苻之澤 唐石經初刻作萑蒲後改萑苻案

韓非子內儲說引此事作萑詩小弁曰萑葦淠淠韓

詩作萑

外傳

古字通也

遺愛

賈逵曰愛惠也

廿一年傳天子省風以作樂 應邵曰風土地風俗

也有中和之風以作樂然後可移惡風易惡俗也

小者不窕

高誘呂覽注云窕不滿密也

窕則不咸 釋文云本或作咸漢書同唐石經初刻作咸後作減愚案咸本古文感故下云心是以感从咸為是也

王心弗堪 漢書作咸孟康曰古湛字尚書西伯戡黎

說文引作咸郭璞余足注又作堪黎

釋文本又作咸

古字咸

堪通詳見尚書考

張句尤之 小介足云尤怪也杜訓從之

是何物也注物事也 子惠子曰歲時日月星辰謂之

六物是何物也謂六物之占當何屬也注未詳

鄭翮願為鵲 陸佃引舊說江淮為羣鵲旋飛為鵲井
則鵲善旋飛盤薄霄漢與鵲之成列正異故古之陳
法或願為鵲也

不死伍棄 衛詩曰死生契濶與子成說鄭箋云從軍
之士與其伍約死也尉繚子云凡伍臨陳若一人有
不進死于敵則教者如犯法者之罪

軍之大刑也 周禮條狼氏職曰凡誓執鞭以趣于前

且命之誓僕右曰殺誓馭曰車輶

廿二年傳盟于稷門之外 劉向別錄曰齊有稷門

齊城門也齊地記曰齊城西門側系水出故曰稷門

古側稷音近耳司馬貞云棟案稷齊地名昭十年傳

云戰于稷顧炎武曰七國時齊有稷下館

鄒胥伐皇 胥周大夫

水經注
作胥

食采于鄒因氏焉說文

鄒周邑

焚諸王城之市 焚如之刑周法也

敗績于前城 服虔曰前讀為泉周地也京相璠曰今洛陽西南五十里伊闕外前亭

毀其西南 顧炎武曰唐石經此下有子朝奔郊四字棟案碑四字非初刻當是晁公武據蜀石經增入非杜本也案下傳云二師圍郊鄆潰杜氏云二邑皆子朝所得是杜本無奔郊之文

廿三年經狄泉注時在城外 京相璠曰今大倉西南地水名狄泉舊說狄泉本在洛陽北萇弘城成周

乃繞之

傳尹辛敗劉師于唐 司馬彪郡國志云洛陽有唐聚
去備薄威 尉繚子曰兵有去備徹威而勝者以其有
法故

先君之力可濟也 服虔曰獻公亦欲立子猛不欲令
子朝得國今南宮極震死為天所弃先君之功事可
成也

蘧蒢注楚地 酈元曰服虔或謂之邑又謂之地京相

璠亦云水際及邊地名也禹貢曰道漢水過三澨春

秋傳有句澨雍澨及此而三

水經注
作澨澨

明其伍候注使民有部伍為候望正義曰賈服王董皆

作五候賈逵曰五候五方之候也敬授民時四方

中央之候也王肅云五候山候林候澤候川候平地

候也董遇云五候四方及中國之姦謀也杜作伍候

棟案周書程典曰協其三族固其四援明其伍候習

其武誠依其山川通其舟車利其守務古伍字皆作

五傳本文也杜氏依周書為說故从人旁

廿四年傳今王室實蠢蠢焉 說文引作蕙蕙云亂

也三體石經作蠱

尚書蠱字說文引作蠱
古蠱字皆作蠱俗作蠱

日過分而陽猶不克 孟康曰謂春分後陰多陽少為

不克陽勝則盛故言甚

王子朝用成周之寶珪于河 漢書曰湛于河釋文云

本或作沈于河

與之東訾注鞏縣西南訾城是也 司馬彪曰縣有東

些言聚今名些言城王隱晉書地道記曰在縣之東

吳踵楚依說文當作種種相迹也

春秋左傳補註卷五

欽定四庫全書

春秋左傳補註卷六

元和惠棟撰

廿五年經宋公佐卒于曲棘 圉稱陳留志曰外黃於
春秋為宋之曲棘里故宋之別都矣

傳天地之經而民實則之 案古文孝經實作是是即
古寔字見尚書秦誓及詛楚文鄭康成詩箋云趙魏
之東寔實同聲故此傳又作實

生好物也死惡物也 周書度訓曰凡民之所好惡生
物是好死物是惡

有鸛鵒來巢書所無也 服虔曰鸛鵒不隮濟今隮宜
穴而又巢故曰書所無也

吾聞文武之世童謠有之 唐石經作文成謂魯文公
成公時也史記漢書論衡皆作文成舊本左氏傳亦
有作成者若云周之文武上下數百年豈能逆知童
謠為魯昭徵驗乎今本皆作文武俗誤行之久矣

徵褰與襦 方言曰袴齊魯之間謂之褰郭璞云傳云
徵褰與襦音騫

邱氏為之金距 服虔曰金距以金踏距高誘呂覽注
云以利鐵作鍛距沓其距上沓即踏也又淮南子注
云金距施芒于距

邱昭伯 案世本昭伯名惡

臧昭伯之從弟會 賈逵曰昭伯臧伯賜也案世本臧
會臧頃伯也宣叔許之孫與昭伯為從父昆弟也司

馬貞曰為讒于臧氏史記為作偽

月令云無或作為淫巧注云今月令

無于時作為為詐偽左傳偽字亦有作為者定十二年傳云子偽不知釋文作為讀為偽

拘臧氏老服虔曰老臧氏家之大臣

萬者二人其衆萬於季氏吳仁傑曰淮南書亦云禱

于襄廟舞者二人案傳氏言四人為列尚不成樂況二人乎人當作八傳文誤也

請以五瘞亡服虔曰言瘞自省約以出

日入慝作周禮環人察軍慝康成曰慝陰姦也謂軍

中有為慝者

司馬駿戾 鄭康成曰大夫家臣為司馬者

大子樂 黃伯思曰祕閣古寶器有宋公縑餽鼎考汲
冢師春書縑乃宋景公名與鼎銘合董遇曰竹書有
宋景公縑而史為頭曼孫炎以縑為頭曼合聲以辨
周秦之語則縑為古文樂也

楸枰所以藉幹者 說文引云楸部薦榦云楸部方木
也幹脅也

計於季氏 上計也

廿六年傳百兩一布 先鄭云布泉也墨子曰商人用

一布不敢繼苟而饑焉必擇良者

齊子淵捷 王符曰齊子淵氏姜姓

鑿而察於它車注鑿一足行正義云說文云鑿金聲也

棟案說文鑿讀若春秋傳曰鑿而察它車則傳本

作鑿

五經文字
亦誤作鑿

故杜氏訓為一足行若从金輕聲與

斷足無涉必傳寫之謫正義失考

女寬 韋昭曰女齊之子叔褒

是亂國而惡君王也 服虔曰廢而不立是謂亂國追

惡君王也

國有外援不可黷也 服虔曰外援謂太子任秦之外

孫黷易也秦為任外援不可易

奉周之典籍以奔楚 周之典籍盡在楚矣三墳五典

八索九丘左史倚相觀射父讀之而楚檮杌之書頗
可觀國語采之流及屈宋而楚騷比于周雅書之益

人如是乎

王愆于厥身 汲郡古文云夷王八年王有疾諸侯祈
于山川王陟

諸侯釋位以閒王政 服虔曰諸侯釋其私政而佐王
政案閒氣為臣故云閒

宣王有志 鄭康成周禮注云志古文識有志謂長而
有知識也王伯厚以為有撥亂之志恐非外傳曰宣
王長而立之彘之亂宣王尚少至始有知識乃授之

政猶周公復子明辟也

貫瀆鬼神 說文引作貫訓與杜同

君無違德 論衡引作回德回邪也與下文回亂合

廿七年傳與吳師遇於窮 京相璠曰今安豐有窮水

北入淮水經曰淮水又東北窮水入焉注云水出安

豐縣窮谷窮音戎唐石經窮下有谷字酈元所引同

正義曰此為定七年敗尹氏于窮谷涉彼而誤非也

左尹卻宛 王符曰卻氏之班有州氏祁氏伯宗以直

見殺其子州黎奔楚郤宛直而和故為子常所妬受
誅其子嚳奔吳為太宰嚳祖禰之行仍正直遇禍也
乃為諂諛而亡吳徐廣史記注云伯州犂者晉伯宗
之子也伯州犂之子曰郤宛郤宛之子曰伯嚳宛亦
姓伯又別氏郤司馬貞曰郤宛州犂子伯嚳郤宛子
伯氏別族案定四年傳云楚之殺郤宛也伯氏之族
出注云郤宛黨又云伯州犂之孫為吳大宰楚世家
云宛之宗姓伯氏子嚳則嚳乃宛之族也與左傳合

王符徐廣司馬貞皆以為郤宛子非也韋昭又以為伯州犂子尤誤趙長君又以郤宛即白州犂

此時也服虔曰時言可殺王時也

不索何獲服虔曰不索當何時得也

我王嗣也注光吳王諸樊子也故曰我王嗣正義曰吳世家云餘昧之子僚公子光者王諸樊之子公羊云云世本云夷昧及僚夷昧生光服虔云夷昧生光而廢之僚者夷昧之庶兄夷昧卒僚代立故光曰我王

嗣也是用公羊為說也杜言光吳王諸樊子用史記
為說也棟案司馬遷採世本為史記然亦有旁采
諸國之書不與世本左傳合者今以左傳證之服氏
之說是也襄公卅一年傳吳屈狐庸曰若天所啟其
在令嗣君乎有吳國者必此君之子孫實終之注云
嗣君謂夷昧則光夷昧之子審矣世本左傳本出一
人之手正義以世本多誤不足依馮豈其然乎

母老子弱是無若我何正義曰彭仲博云當言是無我

若何我母無我當如何我字當在若上 案彭注說

唐時已亡此當采自服氏解誼

王使甲坐於道 荀卿子曰庶士介而坐道楊倞曰庶士軍士也介而坐道被甲坐於道側以禦非常

鉞交於胷 唐石經初刻作匈古文胷

以待天命 服虔曰待其天命之終也

不足以辱令尹 高誘呂覽注曰辱屈辱也

吾無以酬之 高誘曰酬報也

或取一秉秆焉 秆說文引作稭或从干

邇無極也 邇讀為爾燕禮曰公南鄉爾鄉爾大夫鄭

注云爾近也移也揖而移之近之也

使宰獻而請安注比公于大夫也 案管子幼官篇云

三千里之外諸侯世一至置大夫以為延安齊君飲
昭公酒故使宰獻而仍用延安之禮非卑公也杜氏
以為比公于大夫失之

廿八年傳慙使吾君聞勝與臧之死也以為快注慙發

語之音 棟案慙願也言鈞死耳願使吾君先聞二

人之死以為快注言發語音非外傳云吾慙置之於

耳以慙御人又云慙庇州犁韋昭皆訓為願大夫稱

主今稱君者蓋其臣三世仕於祁氏矣詩云不慙遺

一老箋云慙者心不欲自彊之辭也釋文云慙尔正

願也彊也且也韓詩云慙閭也慙讀為銀與寧同音又讀為甯古寧甯同

字說文寧與甯皆訓為願

其母欲取其黨 案論衡叔向之母姬姓

吾懲舅氏矣 列子曰北山愚公懲山北之塞出入之迂注韓詩外傳云懲苦也

樂正后夔取之 伏生書大傳曰樂正定樂名八伯貢樂九秦具成則自唐虞已有樂正之名尚書不詳耳成鱄曰昔武王克商光有天下其兄弟之國者十有五
人姬姓之國者四十人 案荀子以為天下立七十
一國姬姓獨居五十三人與此異也

心能制義曰度 服虔曰心能制事使得其宜言善揆

度事也棟案自此至經緯天地曰文皆見周書諡法
惟闕曰莫曰君張守節所引諡法云賞慶刑威曰君
孔晁注云能行四者德正應和曰莫注云正其德應
其和

德正應和曰莫 服虔曰枉已為德施行為正發號施
令天下皆應和之言皆莫然無謹謹也

昭臨四方曰明 服虔曰豫見安危也

教誨不倦曰長 服虔曰教誨人以善不懈倦言善長

以道德也

慈和徧服曰順

服虔曰上愛下曰慈和中和也為上

而愛下行之以中和天下徧服從而順之

擇善而從之曰比

服虔曰比方損益古今之宜而從

之

經緯天下曰文

服虔曰德能經緯順從天地之道故

曰文

闇沒

韋昭曰闇沒闇明

不夕食 服虔曰昨顧酒醉故不夕食案二人謂昨不
夕食故始饋而恐不足耳杜注不及服氏之分明
屬厭而已 韋昭曰屬適也厭飽也已止也適小飽足
則自節止

廿九年傳主君 服虔曰大夫稱主

豢龍氏御龍氏 賈逵曰豢養也穀食曰豢

乃擾畜龍 應邵曰擾音柔擾馴也能順養得其嗜慾

案玉篇擾當作攪

尚書擾而穀徐廣曰擾一作柔字
本作攪音柔今人字與音皆失之

廣雅曰

馴擾也

卷六

其後有劉累 後古文作后服虔曰后劉累之為諸侯者夏后賜之姓

以更豕韋之後

史記更作愛

夏本紀

周禮巾車云歲時

受讀杜子春云受當為更儀禮燕禮及大射儀注皆云古文更為受是更與受古今字也

汲郡古文云孔甲元年廢豕韋

氏使劉

累參龍

魯縣 汲郡古文曰孔甲七年劉累遷於魯陽班固曰

南陽魯陽縣有魯山古魯縣御龍氏所遷

遂濟窮桑 服虔曰濟渡也言四叔子孫世不失職遂渡少皞之世

遂賦晉國一鼓鐵以鐵刑鼎 服虔曰鼓量名也曲禮曰獻米者操量鼓取晉國一鼓鐵以鑄之禮記音義隱義曰東海樂浪人呼容十二石者為鼓以量米王肅曰三十斤謂之鈞鈞四謂之石石四謂之鼓與隱義合顧氏云蓋用四百八十斤鐵

卅一年傳十二月辛亥朔日有食之是夜也趙簡子夢童子羸而轉以歌旦占諸史墨曰吾夢如是今而日食何也對曰六年及此月也吳其入郢乎終亦弗克入郢必以庚辰日月在辰尾庚午之日日始有謫火勝金故弗克服虔曰是歲歲在析木後六年在大梁大梁水宗十一月日在星紀為吳國分楚之先顓頊之子老童童子楚象行歌象楚走哭姬姓日日在星紀星紀之分姬姓吳也楚衰則吳得志吳世世與

楚怨楚走去其國故曰吳其入郢吳屬水水數六十
月水位故曰六年及此月也有適而食故知吳終亦
不克後六年定四年十一月閏餘十七閏在四月後
其十一月晦庚辰吳入郢在立冬後復此月也十二
月辛亥日會月於龍尾而食庚午日初有適故曰庚
辰一曰日月在辰尾尾為亡臣是歲吳始用子胥之
謀以代楚故天垂象午火庚金也火當勝金而反有
適故為不克晉諸侯之霸與楚同盟趙簡子為執政

之卿遠夷將伐同盟日應之食故夢發簡子 周禮

占夢職以日月星辰占六夢之吉凶鄭注云日月星

辰謂日月之行及合辰所在春秋昭三十一年史墨

云云此以日月星辰占夢者其術則今八會其遺象

也鄭志張逸問占夢注云云不知何術占之前問不

了前問載鄭志今無考答曰日月在辰尾夏之九月辰在房未

有尾星建戌厭寅建戌則辰在卯前一次故厭寅寅與申對辰與戌

對對酒申近庚李經援神契曰斗指申處暑指庚白露故知申近庚辰與戌對

對對酒申近庚

故知庚辰辰下為主人故知為主人

翼奉曰辰為金客時為主人

侵火故不勝雖不勝即復故云弗克日有適氣時九

月節者以庚午在甲子篇辛亥在甲辰篇也

古五字書每甲

為一篇也

中有甲戌甲申甲午戌一月也從庚午以下四

日從甲辰至辛亥八日并之十二日通同四十二日

如是庚午之日當在八月十九日故言時得九月節

也言雖不勝即復者以其庚金午火位相連故云雖

不勝即復也言雖不勝者吳君臣爭官秦救復至不

能定楚是其不勝不能損吳是明即復也問曰何知

有此厭對之義乎答曰按堪輿黃帝問天老事云

文藝

志堪輿金

匱十四卷

四月陽建於巳破於亥

巳亥為對月建為破

陰建於

未破於癸是為陽破陰陰破陽故四月有癸亥為陰

陽交會十月丁巳為陰陽交會言未破癸者即是未

與丑對而近癸也

援神契曰斗指癸小寒指丑大寒故知丑近癸為未所破也

交

會惟有四月十月也若有變異之時十二月皆有建

厭對配之義也問曰周之十二月夏之十月

夏體

正應在析木而云在星紀何答曰據此月中有十一

月節

析木十月星紀十一月

故舉言之成長以為誤也 賈公

彥曰今八會其遺象者按堪輿大會有八小會亦有

八賈不疏八會者賈蓋據鄭志唐時堪輿已亡故不

詳也案越絕書言太歲八會淮南天文曰北斗之神

有雌雄十一月始建於子月從一辰雄左行雌右行

五月合午謀刑十一月合子謀德太陰所居辰為厭

日

雄為建雌為厭厭在日前一次謂之陰建

厭日不可以舉百事堪輿徐

行雄以音知雌故為奇辰數從甲子始子母相求所合之處為合十日十二辰周六十日凡八合合於歲前則死亡合於歲後則無殃即八會法也蓋六十日之中大合八小合八

詳禮說

卅二年傳史墨曰不及四十年越其有吳乎越得歲而吳伐之必受其凶服虔曰歲在星紀吳越之分野蔡復之歲歲在大會距此十九年昭十五年有事於武宮之歲龍度天門龍歲星也天門在戌是歲越過

故使今年越得歲龍東方宿天德之貴神其所枉之
國兵必昌向之以兵則凶吳越同次吳先與兵故凶
也或歲星在越分中故云得歲史墨知不及四十年
越有吳者以其歲星十二年一周天存亡之數不過
三紀三者天地人之數故歲星三周星紀至玄枵哀
二十二年越滅吳至此三十八年

遲速衰序注衰差也 案襄廿九年正義云衰者差也
九章算術謂差分為衰分是衰與差通故訓衰為差

士冠禮記云以官爵人德之殺也注云殺猶衰也亦以衰為差

定二年傳閹乞肉焉子惠子曰諸侯燕禮賓醉而出必取所薦脯重君賜也以所執脯賜鐘人于門內雷廣君惠也夷射姑私出無脯奪枝敲閹無禮甚矣

三年傳閹以餅水沃廷韓非子云損水郎門雷下類溺者之狀

有兩肅葵馬子惠子曰當用賈逵注載見正義漢注

多舊典遺言杜預盡去之而益以臆說正義所載者
千百之十一而已

四年經許遷于容城 地理志南郡華容縣應邵曰春
秋許遷于容城是

戰于柏舉 高誘呂覽注云柏舉楚鄱邑京相璠曰柏
舉漢東地夏有汭水或作舉疑即此也 柏二傳皆
作伯郭璞穆天子傳注云古伯字多从木

傳社稷不動 劉炫以社稷動為軍行是也杜注非

君以軍行祓社釁鼓 案即周禮大祝所謂設軍社也

夏后氏之璜 高誘曰半圭曰璜夏后氏之珍玉也

封父之繁弱 鄭康成曰封父國名荀卿子曰繁弱鉅

黍古之良弓也繁亦作蕃古字通上林賦云彎繁弱

文潁曰蕃弱夏后氏良弓之名

備物典策釋文云本又作冊或作箒 說文云冊符命

也諸侯進受於王也象其札一長一短中有二編之

形古文作箒从竹今作策从俗

命以伯禽 當用劉炫說伯禽唐誥百篇不載封伯禽

事別見洛誥唐叔有歸禾故皆不載也

孔子刪書亦用春秋一書

不再書之例

管蔡啟商基閒王室注基毒也

棟案基當訓為教宣

二年注訓
基為教

言管蔡開商叛周之心而教之棄閒以圖

王室張衡西京賦云天啟其心人基之謀與傳意合

左傳基字凡四見宣十二年傳楚人基之當依說文

作昇哀元年傳少康基澆當訓為毒

說文云
基毒也

廿七年

傳趙襄子基知伯當訓為忌

小介正云
基忌也

此傳當訓為

教

小介正云
基教也

杜唯哀元年注得之餘皆非也

無始亂

賈逵曰無為亂始

還塞大隊直轅冥阨

案冥阨九塞之一高誘曰在楚

史記蘇秦傳云塞郢阨徐廣曰郢江夏郢縣棟謂郢

阨即冥阨也墨子非攻篇曰吳闔閭次注林出於冥

隘之徑

隘即阨傳
亦作隘

戰於柏舉中楚國而朝當子常不

從司馬之計濟漢轉戰至於柏舉其時吳已出隘而

西楚事不可為矣

季芊畀我 當用服虔注

申包胥 服虔曰楚大夫王孫包胥

封豕長蛇 高誘曰封大也豕蛇喻貪也

虐始於楚 高誘曰虐害也始先也言將以次至秦也

五年傳陽虎將以璵璠斂 高誘曰璵璠君佩玉也昭

公在外平子行君事入宗廟佩璵璠故用之正義曰

璵璠是一玉名案說文孔子曰美哉璵璠遠而望之

真若也近而視之瑟若也一則理勝一則孚勝明是
兩王正義非也

改步改玉 周語襄王謂晉文公曰先民有言曰改玉
改行韋昭曰玉佩玉所以節行步也君臣尊卑遲速
有節案荀子王霸篇云國者世所以新者也是憚憚
非變也改王改行也與周語同是玉從古文作王成
二年齊侯朝于晉將授玉玉本作王故張平子誤以
為尊晉侯為王乃知古文春秋玉字皆作王也

公山不狝 王符曰公山氏魯公族姬姓

奔楚為堂谿氏

王符曰堂谿谿名在平司馬彪郡

國志云汝南吳房有堂谿亭廣韻引作棠古字通

藍尹亶涉其帑

廣韻引世本云楚大夫涉其帑則亶

帑為二人然外傳云載其帑則帑非人名未知世本
何據

六年經仲孫忌

賈逵曰公羊曰仲孫何忌公羊疏云

賈經無何字案下經云仲孫忌當無何字

傳小帷子 呂覽云小帷子陸氏釋文云本又作帷

八年傳士皆坐列

案坐謂坐作列謂表正行列

司馬法云

徒以坐固又云行慎行列

吾志其目也

鄭康成云志意所擬度也商書曰若射

之有志

主人焚衝

高誘淮南子注曰衝車大鐵著其轅端馬

被甲車被兵所以衝於敵城也

或濡馬褐以救之注馬褐馬衣

高誘淮南子注曰褐

毛布如今之馬衣

拔衛侯之手及挽 說文云拔推也挽唐石經初刻从

定本後作腕腕俗字也經傳皆作擊郊祀志云海上海上

燕齊之間莫不搯擊游俠傳云搯擊而游談師古曰

擊古手腕字說文曰擊手擊也从手臥聲今傳作挽

者儀禮士喪禮云設決麗于擊 今作擊字之誤鄭康成注云

古文擊作挽史記樊於期偏袒搯挽索隱曰挽古腕

字史記多古文今人知者鮮矣 高誘呂覽注云擊讀如捲挽之挽

戒都車 案戒讀為駮鄭康成云疾雷擊鼓曰駮易歸藏曰君子戒車小人戒徒

林楚怒馬 高誘曰怒讀如强弩之弩方言曰弩猶怒也匡謬正俗曰怒字古讀有二音今山東河北人讀書但知怒有去聲不言本有二讀曾不尋究失其真矣

子言辨舍爵 辨古文徧

陽虎入于謹陽闕以叛 謹應劭引作鄩云今泰山鉅

平縣陽關亭是也

九年傳茲陽貨所欲傾覆也 韓非子載其語曰陽虎有寵於季氏而欲伐季孫貪其家也今君富於季而齊大於魯陽貨所以盡詐也

載蔥靈 賈逵云蔥靈衣車也尚書大傳云未命為士不得有飛輅鄭康成注云如今憲車也輅與靈古字通

趙氏其世有亂乎 此語非實事春秋後事左氏不及

知故云然案韓非子曰陽貨逐於魯疑於齊走而之
趙趙簡主迎而相之左右曰虎善竊人國政何故相
也簡主曰陽貨務取之我務守之遂執術而御之陽
貨不敢為非以善事簡主興主之強幾至於霸也

吾從子如驂之靳 毛詩小戎云游環脅驅傳云游環
靳環也沈重曰靳者言無常處游在驂馬背上以驂
馬外輿貫之以止驂之出猛蓋言靳所以輔驂非相
違也而相從也何仇難之有

龜焦

焦說文引作龜云龜龜不兆龜讀若焦

哀二年
龜龜同

哲幘

傳遜曰哲白哲幘以巾髮卑賤所服此說非也

古者有冠無幘秦漢以來始有其制此傳幘字說文引作齷云齒相值也故杜訓從之古省或以幘為齷衣貍製注製裘也子惠子曰說苑吳赤市使於智氏

假道於衛甯文子具紵絺三百製將以送之左傳貍製注云裘此云紵絺非裘也乃衣耳裘名為製不見經傳疑杜注誤棟案傳曰貍製故注云裘謂貍裘也

哀廿七年陳成子救鄭及濮雨成子衣製杖戈注云製雨衣也杜皆望文為義然以製為裘似有脫文

十年經鄆謹龜陰田服虔曰三田汶陽田也龜山名陰之田得其田不得其山也

傳步左右皆至劉熙曰徐行曰步步捕也如有所伺捕務安詳也

叔孫氏之甲有物注物識也周禮閭人職云潛服賊器不入宮注云賊器盜賊之任器兵物皆有刻識棟

案刻識之語出于漢時梁冀傳云刻其毛以為識是也

十二年傳登武子之臺 鄆元曰曲阜上有季氏宅宅有武子臺王肅曰季孫宿所築

十三年傳歸告其父兄 服虔曰午之諸父兄及邯鄲中長老

成也驕注成文子之子 世本曰衛獻公生成子當當生文子拔傳作發拔生朱為公叔氏鄭康成云朱春秋

作戌

十四年傳使死士 戰國策蘇秦曰厚養死士高誘曰
死士勇戰之士也先鄭司農曰死士欲以死報恩者
大公六韜曰有貧窮忿怒欲快其志者聚為一卒名
曰必死之士賈景伯以死士為死罪人非也

哀元年傳如子西之素 案功命曰謂之素宣十一年
令尹蔿艾獵城圻三旬而成不愆于素是也

蔡人男女以辨 辨讀曰班徐廣史記註曰辨音班漢

書王莽傳辨社諸侯義作班襄廿五年傳云男女以
班賂晉侯劉炫曰哀元年蔡人男女以辨與此同士
虞禮曰明日以其班祔鄭康成云古文班或為辨是
辨為古文班也

敗越于夫椒 賈逵曰夫椒越地杜氏云夫椒吳縣西
南大湖中椒山司馬貞曰賈說得之杜以為大湖椒
山非戰所夫椒與椒不得一旦夫差以報越為志又
伐越當在越地何乃不離吳境近在太湖中又案越

語云敗五湖也

大夫種 高誘曰大夫種姓文字會楚鄞人

樹德莫如滋 去疾莫如盡 戰國策引書曰樹德莫如滋除害莫如盡今在大誓與此異

滅夏后相 汲郡古文曰帝相九年居於斟灌廿六年寒浞使其子澆帥師滅斟灌廿八年寒浞使其子澆弑帝公羊傳云君死于位曰滅

生少康焉 服虔曰后緡遺腹子

而邑諸綸 司馬彪郡國志曰梁國虞縣有綸城少康
邑

以收夏衆撫其官職 服虔曰因此基業稍收取夏遺
民餘衆撫修夏之故官憲典

祀夏配天不失舊物 服虔曰以鯀配天也物職也
注猶言天與不取 漢書蕭何曰書云天與不取反受
其咎

欲與楚者右 此與絳侯右祖意同懷公意欲從吳故

使與楚者右

在軍熟食者分而後敢食 案劉向說苑載此事云在
軍食孰者半而後食故服虔注云以其半分軍士而
後自食其餘若簞醪注流也公羊傳曰師喪分焉分
亦訓平杜訓為徧古訓之亡自杜始

二年傳郢不足以辱社稷 服虔曰郢自謂已無德不
足立以污辱社稷

八人衰絰偽自衛逆者 服虔曰衰絰為若從衛來迎

太子也較杜注為明

上大夫受縣下大夫受郡 周書作雒曰國方千里分

以百縣縣有四郡郡有四鄙高誘曰周制天子地方
千里分為百縣縣有四郡郡有四鄙故言上大夫受
縣下大夫受郡周時縣大郡小秦始皇兼天下初置
三十六郡以監縣耳

志父 注志父趙簡子之一名也杜意言趙鞅一名志

父今俗本作改名誤

桐棺三寸不設屬辟 荀卿子曰罪人之葬棺槨三寸

衾三領不得飾棺鄭玄引此傳作屬押

撲馬 荀卿子云若馭撲馬揚倮曰未調習之馬

羅無勇麋之

廣韻引作麋

八年傳云及潞麋之注云麋亦束縛疑麋麋字通

無折骨無面傷

鄭仲師引云無破骨無面夷案外傳

晉惠公韓之誓曰將止無面夷死此求勝之辭故云

無面夷

大命不敢請

晉語曰死不敢請常昭曰言不敢請歸

之神也

三年傳鬱攸從之 介正曰鬱氣也攸所也火氣出之所也襄九年傳云奔火所杜注欠分明

命藏象魏曰舊章不可忘也 服虔曰象闕也法令縣

之朝謂其書為象魏案象魏六官所縣之象如治政教刑之類繪為圖象唐虞所謂畫象是也此說本程大昌棟案風俗通云光武中興以來五曹詔書題鄉亭壁歲補正多有闕謬永建中兖州刺史過翔箋撰

卷別改著版上一勞而久逸漢之五曹猶周之六官
又漢時教令皆奏可施行尚書掌之故謂之五曹詔
書亦見應劭傳

拾瀋注瀋汁也 釋名曰宋魯人皆謂汁為瀋高誘引
作瀋

四年傳諸大夫恐其又遷也承注承音懲蓋楚言正義
曰懲創往年之遷也 棟謂承讀為懲經傳無文詩
魯頌曰戎狄是應荊荼是懲則莫我敢承毛傳曰承

止也傳言承者謂諸大夫皆欲止之也

五年傳范氏之臣王生惡張柳朔墨子所染篇云范
吉射染於長柳朔王肱王肱即王孫也古張字省作
長見楚相孫叔敖碑此古文也

齊燕姬 服虔曰燕姬齊景公之嫡夫人昭七年燕人
所歸

諸子鬻如之子 服虔曰諸子諸公子鬻如景公妾淳
于人所納案諸子內官傳氏遜據管子辨正杜沿服

氏之謫耳溥于人所納未詳所出

諸大夫恐其為子也言於公曰君之齒長矣未有太子
若之何 服虔曰為子為太子也荼少故恐立之言
君長未有太子一旦不諱當若之何欲齊侯早立長
也案今本為子作為太子疑後人所增杜無注或杜
所增也

二三子閒於憂虞則有疾疢亦姑謀樂何憂於無君

服虔曰言二三子當國家閒暇無憂虞恐疾疢在其

間今無疹疾何為不自謀樂何憂無君乎

寘羣公子於萊 服虔曰寘置萊齊東鄙邑欲使遠齊
萊人歌之曰景公死乎不與埋三軍之事乎不與謀師
乎師乎何黨之乎 服虔曰萊人見五公子遠遷鄙
邑不得與景公葬埋之事及國三軍之謀故愍而歌
師衆也黨所也言公子徒衆何所適也

六年傳楚子使問諸周太史 服虔曰諸侯皆有太史
主周所賜典籍故曰周太史一曰是時往問周太史

棟案楚靈王言齊衛晉魯皆有分而楚獨無有則楚不當有周所賜典籍蓋自王子朝奉周之典籍以奔楚是時當有掌典籍之太史從子朝奔楚楚子在外而使問周太史也

三代命祀祭不越望 服虔曰謂所受王命祀其國中山川為望

冀方 高誘淮南子注曰冀九州中謂今四海之內穀梁傳曰鄭同姓之國也在乎冀州詳顧炎武日知錄

闕止 案呂覽以闕止為宰予高誘曰宰予字子我史記亦言宰我與田常作亂皆秦漢人相傳之語未必然也

以安孺子如賴 古今人表作晏孺子晏與安古文通今文尚書欽明文塞晏晏今尚書文思安安司馬彪曰濟南管縣有賴亭

君大訪於陳子而圖其小 子惠子曰必欲殺孺子而先以政授陳子此齊之所以亡也一言喪邦朱毛之

謂

七年傳執玉帛者萬國今其存者無數十焉 戰國策
顏觸曰大禹之時諸侯萬國及湯之時諸侯三千今
乃二十四

邾茅夷鴻以束帛蔡韋自請救於吳 告請者無庭實
此云蔡韋者賈公彥曰求救非法故有蔡韋為庭實
也

社宮

鄭衆曰社宮中有室屋者

乃背晉而奸宋 賈逵曰以小加大

八年傳所託也則隱 所託也者謂所寄託之國則隱者隱本國之惡也杜注不明

魯雖無與立必有與斃 國於天地必有與立魯無與立言弱也必有與斃言公賓庚之屬

拘鄆人之漚管者 鄭康成注考工記引作渥管釋文渥烏豆反與漚同是渥為古文漚也

何故使吾水滋 說文引作茲云黑也釋文云本又作

茲

景伯負載 鄭玄詩箋云載猶戴也謂負戴器物劉光
伯說是也

柝之以棘 說文曰以柴木鑿也从木存聲本又作存
釋文作薦音在薦反非也

遂殺之 悼公弱安能殺鮑子必陳乞之謀也陳乞所
畏者鮑高國耳乞既除高國所畏者鮑氏耳故希公
意并除之而後行篡弒以并齊耳有馬千乘之言亦

乞所構

十年傳吳子三日哭于軍門之外 服虔曰諸侯相臨之禮

十一年傳黨氏之溝 黨氏魯大夫猶云子駒之門也
注有子冉求也 正誤曰論語冉求稱冉子有若稱有
子冉求字有亦稱冉有二者必有一誤春秋權衡曰
案有子當為子有子有者冉求字也仲尼門人字多
云字某者不得云有子也傳寫誤之矣

見保者而泣 王肅曰保縣邑小城也案晉語尹鐸曰
抑為保障乎韋昭曰小城曰保禮記曰遇入保者

後世

作堡

壤地同而有欲於我 呂覽載子胥語曰夫吳之與越
接土鄰境壤交通屬習俗同言語通我得其地能處
之得其民能使之越于我亦然故云有欲於我

得志於齊猶獲石田也無所用之 呂覽載子胥語曰
夫齊之與吳也習俗不同言語不通我得其地不能

處得其民不得使故謂之石田也

烏則擇木 服虔曰烏喻已木以喻所之國

如是則以丘亦足矣 丘賦作於前故云以丘亦足矣
十二年傳吳人藩衛侯之舍注藩離 案杜注非也藩
藩盾扶胥之屬名為宿衛實因之也

效夷言 觀此則春秋時已重吳音矣不始于晉也

十三年傳為二隧注隧道也 軍法司空治軍隧道義

見淮南子

彌庸見姑蔑之旗

墨子旗識篇曰建旗其署令皆明

知之曰臬子旗

十四年經齊陳恒執其君寘于舒州 史記齊世家云

田常執簡公于徐州司馬貞曰徐字从人說文作郈

竝音舒續漢志云薛本國六國時曰徐州戰國策齊

一篇曰楚成王戰勝于徐州高誘曰徐州或作舒州

是時屬齊棟案徐舒古字通易困之九四曰來徐徐

子夏傳作茶茶先鄭考工注云茶讀為舒舒徐也茶

本古舒字是徐與舒同說文邾讀若塗易釋文云荼音圖然則舒亦有塗音歟非也司馬貞得之

傳諸御鞅 世本曰陳桓子產子亶亶產子獻獻產鞅司馬貞曰鞅為僕御之官故曰御鞅

子行舍於公宮 服虔曰止于公宮為陳氏作內閭也

成子兄弟四蔡如公 服虔曰成子兄弟八人二人共

一蔡杜氏云成子之兄弟昭子莊簡子齒宣子夷穆

子安孺丘子意茲芒子盈惠子得凡八人二人共一

藥司馬貞素世本曰東僊子乞產成子常簡子齒宣

子其夷穆子安廩丘子尚鑒

意與
聖通

茲子芒盈惠子得

凡七人杜預又取昭子莊以充八人之數案世本昭

子將來是桓子之子成子之叔父又不名莊強相証

會言四藥有八人耳今按田完世家田常兄弟四人

如公宮與此事同今此惟稱四藥不言人數知四藥

謂兄弟四人藥車而入非二人共車也然其昆弟三

人不見者蓋時或不在不同入公官不可強以四藥

為八人添叔父為兄弟之數服杜殊失之

正義引世本云信子

生昭子莊云云豈亦因杜注而附會之歟

太史子餘 子餘陳氏黨

侍人御之 服虔曰閭豎以兵御陳氏

何以見魯衛之士 服虔曰子方將欲奔魯衛也

公文氏攻之 王符曰衛之公族有公文氏

十五年傳寡君是以寒心 高誘戰國策注曰寒心懼也

二人蒙衣而祭 服虔曰蒙衣為婦人之服中蒙其頭而共祭也

孔氏之老嬖寧問之 服虔曰家臣稱老問其姓名遂入適伯姬氏 服虔曰入孔氏家適伯姬所居

孔伯姬杖戈而先 服虔曰先至孔攄所遂劫以登台 服虔曰於衛台上召衛羣臣

使告季子 子路二十字也季子五十字

召獲駕祭車 服虔曰駕祭車不駕兵車也言無距父

之意也

行爵食炙

王充曰車行酒騎行炙案古人皆以車騎

行酒肉

脯堂集古錄載周叔邦父簠云叔邦父作簠用征用行用從君王又叔夜鼎云叔夜鑿其

饋鼎以征以行用饔用羹故西都賦云陳經騎以行

魚騰酒車而斟酌馬融廣成頌云清醪車湊燔炙騎

將行爵食炙而行示無懼也正義以為此句顛倒辭

氣不允蓋未通於古

奉衛侯輒來奔服虔曰召獲奉衛侯

弗及不踐其難 賈逵曰言家臣憂不及國不得踐履
其難鄭衆曰是時輒已出不及事不當踐其難子羔
言不及以為季路欲死難也

無入為也 服虔曰言輒已出無為復入

必或繼之 王肅曰必有繼續其後攻天子

十六年傳旻天不淑不慙遺一老俾屏余一人以在位

應邵曰慙且詞也言旻天不善於魯不且遺一老

使羣蔽我一人也鄭玄所引與此同今不淑作不弔

慙作慙王肅曰屏輔也

煢煢余在疚 鄭康成許叔重引此傳皆作嫿嫿

嗚呼哀哉尼父 鄭玄曰尼父因目字以為之謚孔氏
駁之案字謚見穀梁非康成臆說以字為謚左傳有
明文孔氏之駁未為得也

使貳車反柁於西園 魯語曰天子有虎賁習武訓也
諸侯有旅賁禦災害也大夫有貳車備承事也士有
陪察告奔走也許叔重五經異義曰或曰卿大夫有

主不答曰卿大夫非有土之君不得祫享昭穆故無
主古春秋左氏傳曰衛孔悝反祫於西圃祫石主也
言大夫以石為主謹案大夫以石為主禮無明文大
夫士無昭穆不得有主今山陽民俗有石主玄之聞
也以上鄭氏駁少牢饋食大夫祭禮也束帛依神特牲饋
食士祭禮也結茅為叢主者神象也孝子既葬心無
所依以虞而立主以事之唯天子諸侯有主卿大夫
無主尊卑之差也卿大夫無主者依神以几筵故少

牢之祭但有尸無主三王之代小祥以前主用桑者始死尚質故不相變既練易之遂藏於廟以為祭主

孔悝祐主者祭其所出之君為之主耳

以上皆鄭氏說鄭志張逸

問許氏異義駁衛孔悝之反祐有主者何謂也答云禮大夫無主而孔獨有者或時未代之君賜之使祀其所出之君者諸侯不祀天而魯郊諸侯不祖天子而鄭祖厲王皆時君之賜也

正義曰以

為孔氏姑姓仕於衛已歷多世不知本出何國安得有所出公之主知是僭為之此說非也管子山至篇曰君人之主弟兄三世則昭穆同祖十世則為祫三

世則同祀所出之公故不立主十世為祏所以別于宗也案世本莊叔達至孔惲凡七世上歷三世當在春秋之前至孔叔時合為祏主春秋以來兼國多矣未必皆書于經何得以所出之公無考而遂謂之僭

耶鄭氏之言不為無本若以舊章放失追議先儒恐

違闕疑之義

昭十九年傳云懼隊宗主服虔云祏主藏于宗廟故曰宗主

市南有熊宜僚 高誘曰熊宜僚勇士居楚市南

請以戰備獻 子惠子曰戰備猶家備備甲兵也

齊管修 風俗通曰管修自齊適楚為陰大失

高府 淮南子曰闔閭伐楚五戰入郢燒高府之粟蓋
宮中府名

圉公陽 史記曰惠王從者屈固

其徒微之 說文曰微隱行也

十七年傳戎州 司馬貞曰陳留濟陽縣東南有戎城
濟陽與衛相近故莊公登台望見戎州又隱七年云
戎伐凡伯于楚邱是我近衛

鄭般 說文曰鄭宋地也讀若讒疑般采邑

十八年傳宋殺皇瑗 汲郡古文曰敬王四十三年宋殺其大夫皇瑗于丹水之上丹水雍不流

廿年傳吳公子慶忌 高誘曰慶忌吳王僚之子又淮南子注云吳王僚之弟子

史黯 高誘曰史黯史墨也

廿一年傳使我高蹈 呂覽曰子胥高蹶高誘曰蹶蹈

也傳曰魯人之高使我高蹈瞋怒兒

高與皋通見釋名

廿二年傳甬東 賈逵曰甬東越東鄙甬江東也

廿三年傳其可以稱旌繁乎 繁說文引作繇云馬髦
飾也

廿五年傳褚師聲子韞而登席注古者見君解韞 東
昌彭氏軌以為古無見君解韞之禮棟案燕禮云賓
反入及卿大夫皆說屨升就席鄭志云凡燕坐必說
屨屨不在堂也蕭山毛氏牲以為脫屨非解韞也棟
又案少儀云凡祭於室中堂上無跣燕則有之鄭志

云祭不跣者主敬也燕則有跣為歡也毛甡曰燕飲
君但脫屨而臣必解鞵記曰燕則有跣跣者解鞵也
閻百詩曰陳氏禮書謂漢魏以後朝祭皆跣鞵又
謂梁天監間尚書奏議案禮跣鞵事由燕坐今極恭
之所莫不皆跣清廟崇嚴既絕常禮凡有履行者應
皆跣鞵蓋是時有不跣鞵者故議者及之杜氏謂見
君解鞵見君字不確須易為古者燕飲解鞵耳 棟
又案宣二年左傳云晉侯飲趙盾酒其右提彌明趨

登曰臣侍君宴過三爵非禮也遂扶而下服虔本作
遂跣以下注云趙盾徒跣而下走此本書燕飲解韞
之明文也左傳古本盡為杜預所改故學者每有疑
義莫能詳焉

君將設之 說文引作設云歐兒从口設聲玉篇同案
釋文作磬與說文合與石經異釋文是也

君何所不逞欲 說文引云何所不逞云楚人謂疾行
為逞

廿六年傳后庸

唐石經作舌庸廿七年傳同

吳語亦作舌庸

掘褚師定子之墓

掘玉篇引作搯云掘也釋文云本

或作搯

戰國策禽滑厘古今人表作禽屈厘

公遊于空澤

鄒元曰獲水東南逕空桐澤北澤在虞

城東南左傳公遊于空澤即此然則空澤者空桐之

澤也

今君無疾而死

汲冢古文瑣語曰初刑史子臣謂宋

景公曰從今以往五祀日臣死後五年五月丁亥吳

亡後五祀八月辛巳君薨刑史子臣至死日朝見景
公夕而死後吳亡景公懼思刑史子臣之言將死日
乃逃於瓜圃遂死焉求得已蠱矣

使祝為載書 周禮詛祝作盟詛之載辭

廿七年傳設祭車兩馬 服虔曰一曰兩飾

及留舒 鄭康成引作柳舒孔氏曰留柳不同蓋所據
書異棟案裴松之三國志注云古劉留聊柳同用卯


字以从聲故也

律歷志云
留孰於卯

吾乃今知所以亡 子惠子曰恨其語不審

惠定宇先生左傳補註六卷向在京師假閱未及
錄乾隆壬辰冬歷城周書昌寄副至羊城乃戴東
原先生手校本予覆校其半將歸潮陽以付順德
胡先生常刻之明年癸巳三月胡生書至云刻未
竣而病久之始知其是月已死其冬予再至羊城
屬順德張君錦芳藏其事而胡生不及見矣胡能
詩古文精六書予辛卯分按鄉試所得士會試報

罷與東原同舟行月餘慕其學歸益鑽研經義豁
然有心得而天弗假以年惜哉甲午二月益都李
文藻記



春秋左傳補註卷六